

Minge Vatter

Text & Musik: Thomas R. Engel

Du wors Vatter vun ener jroße Famillich
Häs immer an uns jedach
Wor et Levve och nit immer bellich -
Nä dür!
Do kann doch ene Vatter
Vun ener jroße Famillich nix für

Mi eets Schlagzeug häste mir jekauf
Beim Teipel am Freeseplatz
Op Rate für 850 Mark
En minger Lieblingsfärv perlmutt schwatz

Et eetste Auto krät ich vun dir
Ne Käfer ich weiß et genau
Barzahlung 600 Mark
Nit en schwatz - nä - dä wor jupiterjrau

Du wors Vatter vun ener jroße Famillich
Häs immer an uns jedach
Wor et Levve och nit immer bellich -
Nä dür!
Do kann doch ne Vatter
Vun ener jroße Famillich nix für

Als kleine Jung han ich off ding Nöh
jesook
Doch dozo brot m´r vell Jlöck
Wors met dinger 4 Botze ungerwäs
Häs Musik jemaat - dich verdröck

Doch en Urlaub fuhrs de met mir
En Weltreis han ich jedaach
Dobei jing et no Runkel an der Lahn
Do hammer em Zelt üvvernaach

Du wors Vatter vun ener jroße Famillich
Häs immer an uns jedach
Wor et Levve och nit immer bellich -
Nä dür!
Do kann doch ene Vatter
Vun ener jroße Famillich nix für

Wenn du nit do wors
Hät de Mamm doheim de Stellung
jehalde
Un du häs met d´r Musik
10 Pänz un de Lück ungerhalde

Du wors Vatter vun ener jroße Famillich
Häs immer an uns jedach
Wor et Levve och nit immer bellich -
Nä dür!
Do kann doch ene Vatter
Vun ener jroße Famillich nix für

Du wors Vatter vun ener jroße Famillich
Wors du och meistens nit do
Wie kütt ene Vatter an su en jroße
Famillich?
Dat mät dir su leich keiner no!